

道古堂詩集

卷廿三 至 廿六



08065

道古堂詩集卷二十三

仁和 杭世駿 大宗

韓江集 下

小西別館瞻陳洪綬所寫坡公像用坡集中贈寫

真何秀才韻

紛紜黨籍等抹電三萬日過駛激箭高齋觀畫心茫然
詩骨危聳堅於山羽衣吹笛竟仙化名字流落空人間
吁公才大陶萬物鴻去偶然畱爪跡老遲活筆不受塵
靜寫公真聊一適芭蕉衣褶蓮花容義在佛頂楞嚴中
十千妙偈參不得此圖究屬亡是公

道古堂詩集卷二十三 韓江集

秋集徐 本清 學圃

桐陰不雨也生涼藥草因風自送香弄水與鷗分野席
看山畱客坐茆堂舉杯已約月同飲得句且邀秋共商
幾折危闌天半倚葛中吾欲傲斜陽

題秋聲館

兩樹梧桐一拳石染透生衣綠無迹淒風一至葉自搖
宛學詩人抱吟癖秋入遙空淡不收羈孤心事每如秋
知君已築秋聲館聽到秋深我欲愁

中秋集遺安樓下聽小伶歌坡仙大江東去詞

兩聲來自大江東綽板琵琶闌綺櫳曲誤不知誰解願

思量公瑾是英雄

羅衣約略欲生寒粉面妖嬈刻削難可惜轉喉珠一串
黃州月色不曾看

錢唐詩人潘雪帆墓在蜀岡往尋不得

詩骨埋何處分明在蜀岡高秋思一拜蔓草沒斜陽
徑尋碑失松根引路長清詞聞鬼唱嗚咽和寒螿

九日登南城樓次龔三秀才禋身韻

一逢佳節興飛騰城上危樓許共登放眼欲窮無礙境
置身宜踞最高層鳥從樹杪齊人立天逼秋空學水澄
歸去持螯還醉菊虛堂誰道旅愁增

程氏筠榭齋幽風圖

道古堂詩集卷三

韓江集

二

陽冬值淒緊虛室意蕭屑流觀毛詩圖何人畫七月周
正肇建子歲首一之日幽谷況苦寒節物應元律次及
春日遲女桑漸可伐蠶績勤婦功膺原事耕垆七月烹
葵菽六月食奠鬱瓜壺佐饗殮春酒養老疾迎貓祭坊
庸八蜡靡弗達黃冠息田夫索饗聚萬物想見生理周
不用計衣褐吁嗟此幽居風氣尚陶穴公劉方舍館古
公未築室艱難以定都王迹興也勃後王疾敬德曷其
奈何勿元臣陳民依動色咨警切風詩兼雅頌指畫口
可述良工蘊苦心鄭重寫詒厥系首誦八章經誥聖所

曰得非馬和之不亦趙孟頫林子奩筆良士戒太康其
義在蟋蟀吾儕安耕鑿際此歲功畢御冬謀旨畜塞向
蟄蓬葦讀畫生古歡朋酒幸情暱惰遊或免訶素食理
當察毋令堊壁空更約寫無逸

立冬前一日雨中集街南書屋追悼馬員外

日瑄

山齋簡人事幽意藉以攄霜條將辭秋葉墮風舒舒小
雨間復作蟄室聊相於溲然悽心神我友今安如平生
一髣髴牀有手寫書高韻邈林表逸響沈空虛江山悵
阻脩日月忽已除每虞哀樂傷壽命同草苴撫今兼感
舊運往情有餘

道古堂詩集卷三

韓江集

三

對漚閣席上詠燭

子夜殷勤照獨眠逢歡又官上瓊筵替人惜別先垂淚
恁事灰心遽散烟燄燄好花空際結紛紛寒暈雨中圓
文場仗爾三條力忍共勞薪一例然

硯池雨泛聯句

犂颺肅林莽

吳江王藻

元露淒有滄冥濛池荒洲

世駿

俄頃

失翠崦彌矜曦晷促

錢唐陳臯

突令遊與斂幽探屐倦蠟

長洲

沙維

枯坐戶愁居輕鞵惜衝泥

潼關張四科

寬褐畏蒙蘇言

將泝空澗

江都汪長馨

詎久束崖檢一篙入灣環

江都汪百

頃試豔激奇情割紫雲

藻

活色奪青琰脩眉漾犀紋

世

駿
微渦暈蓉臉天骨巧斲能鼻墨海宵範儼泓然象有

徵維杓允矣名不忝溪棱蹙淪漪四科風脚恣磨颯渺

瀾圓文呈長馨颯沓粗雨點頗類手撒菽長德又若面

著鑿打篷響蕭蕭藻啟鑑光睽睽陰森起芒角世駿涼

氣破睡壓櫓澀急待擰鼻窗拓不及掩扳聾竄驚儵維

杓觸岸腎枯芡葉脫時濺波四科葦折未離謙延緣度

花杠長馨造次接苔厂祛痰亟傾尊長德怯冷預捐簞

欹枕或放慵藻鬪韻互趨險寒聲相與清世駿柔翰此

焉染凝神屢鷺翹鼻密詠學魚險奧思容徐抽維杓高

格宥稍貶洗句去瀾漫四科立說戒卑諂刺船偶移情

長馨
取醉暫輟槩池烟滃初合長德暝色來有漸昏鐘

幾杵沉藻遠火一星閃焚船晒子猷世駿與至擬泛剡

鼻
用坡公百步洪韻題張月梅煎茶圖卽送之還橫

山舊隱

邗溝夜雨如決波長鯨振鬣龍騰梭呼燈張畫試題句

振筆疾埽隄糜磨品水不學陸鴻漸煎茶試仿蘇東坡

松風扇鼎沸蠓眼清響時到雙卷荷高吟鏗洵徹戶外

聲蒼檐霤千蜂渦侵晨我友擢當撥一葉軒舞淩江河

新霜璀璨已凋木三山翠色仍紛羅掀髯醜酒頌風伯

道古堂詩集卷二十三 韓江集

四

茸裘潤領裁蒼駝中冷有泉汲不得瘦蛟據窟遊蛟蛇
飲飛信勇不可恃宥與怪物爭巢窠揚帆一笑指鐵甕
波濤縱險如予何通靈妙畫恐飛去重煩神力長撝訶

送李應烈之吳門

離家漸近意先便江岸欣租下水船帆脚日高開曉霧
塔鈴風順語諸天貧能養母遊何礙熱不因人事可傳
飽看吳江好光景楓林將落轉澄鮮

韶齡京國快提攜倏忽星霜廿載移赤手所嗟謀食苦
回頭翻悔讀書遲寄帑沾水非長策懷弟秦州有好詩
賃得一椽臯廡穩短函先報老夫知

題蓉江垂釣圖

道古堂詩集卷之三 韓江集

五

母邱道士好畫手千枝愛寫紅拒霜間從何處得粉本
倒影灑灑搖秋江江邊漁父有潘黨終日拏魚無兩漿
臨厓背坐一竿拋雖不同頭人可想我與同鄉未識面
縱使開圖仍不見幾時請介孟蘭臯謂武堂共買輕舸理
釣線

雨窗夜坐喜丁壻至自淮城效吳體

紙窗矮屋閃油檠夜氣不圖如此清鼠緣敗壁率爾下
雁逗寒雲時一鳴苦吟閒荅粗細雨情話續成長短更
天愛閒人與閒福煮茶煨栗到天明

送王某還關中

遊踪五載滯邗溝，忽漫歸秦興。轉道嶽色逼，天橫馬首
河流噴。雨濺貂裘曉，關犯曉霜侵。堞古戍衝飈，葉滿樓
到及長安。愛冬日衰親，先爲豁雙眸。

寒夜集汪棟諤圃

夜氣茅堂靜，庭柯墮月深。故人多旨酒，獨客減鄉心。散
帙青燈閃，催吟白髮侵。江春堅後約，不厭數招尋。

五清山莊圖爲渤海高文定公作兼呈齶使恒

周制重公墓，家人圖兆域。諸侯卿大夫，封樹各以秩。有
功常居前，守禁且爲蹕。執斧蒞匠師，幽竈乃無忒。下逮

道古堂詩集卷二十三 韓江集

六

唐貞觀陪葬護陵側，一百七十四石刻，今可質。

皇朝奠坤輿

三陵峙薊北，族葬儼周廬。宿衛乃其職，我

皇沛新恩

賜地許環翊，觥觥渤海公。四海仰耆德，丹地陳臯謨。河
孺崇廟食，騎箕旣歸天。浩氣盪雲日，許山界東南。瑞協
拱，皇極錯落眞珠村。寒秀美堂密，窻窻備榮哀。同穴有
靈匹，哀哀象賢嗣。麻衣謝橐筆，水月松竹梅。崢泓間蕭
瑟，遺詩讖終符。幽棲願遂畢，寫圖範先型。清淚素襟溢，
空山對高秋。出入動銜郵，求忠必於孝。致身先竭力，嗟

余負疚深愚憇荷公識泉臺有知己往哭何可得辱以
節使知謂我曉經術乘間過烏府把卷增呬息湯湯河
水深鬱鬱象緯逼寒芒動台躔大節光史帙荒儒容儻
言袞繡頌九罭

冬江

巨浸經冬勢轉雄乘臚萬里駕長風晴瀾拍岸沉荒草
野氣浮天失斷鴻三楚估帆飛霞重二姑神帳暮潮空
油魚磯下冰開處尚有披裘獨釣翁

冬至前二日集梓花軒催雪

雪意初含尚未伸空齋凝望轉勞神劇愁無月難爲夜
却恐經時漸及春縛帚久虛穿徑展開爐休誤煮茶人
題詩促迫緣何事要與仙家賭玉塵

題畫

清秋風日佳有客遠存訪語次出畫冊披視愜予尚在
昔汗漫遊江山日騁望瘦藤凌雲峯高帆破烟浪垂老
耽閒居邱壑情所向舊遊思好手摹取入屏障愛此天
機精幅幅窮形相位置爭造物慘淡見意匠遠勢分秋
毫細處轉雄放木落秋崖高雪消春江漲松濤汨絕壑
瀑練界懸嶂晚楓霜葉酣新柳風絲颺宛見雁刷翎恍
聽鶯弄吭日霽渚烟輕潮迴磯石壯望衡攢漁舍聯檣

宿賈舫萬象幻毫端賞心幸分餉置我山水間索居獲
佳况更知巖居樂細意狀清曠門拓嵐彩中徑盤松果
上庭靜梧陰積窗虛竹光漾晨起放鶴飛暝歸和樵唱
寧諱谷號愚應知水名讓摩挲眼倍明想像神彌王得
侶山澤癯足類風塵狀靈區負嶽瀆仙地阻蓬閬讀書
娛暇晷烟雲藉供養真蹟畱未得題詩寄惆悵

江春 宅分詠得防秋

六郡良家子防秋調發空軍裝霜馱遞家信塞鴻通臥
甲陰山雪鳴弦大磧風三城猶未築不敢論邊功

小西別館追送程舍人 晉芳 用昌黎會合聯句韻

道中詩集卷之三 韓江集

八

簪毫紫禁嚴

宣詔丹地重 世駿 誰歟冠文豪入選奮才勇 黃裕 高騫

歎力沉翹望益神聳 闕華 摩空賦筆瓌翻水詩思涌 陳

臯疾如馬脫銜浩若川決壅 沙維 遠齊嚴徐肩近接顏

陸踵 張四科 橫翔類排山獨出儼斷壘 江炎 光連星河搖

氣攝虎豹恐 程名世 握瑜炫席珍含穎挺嘉種 世駿 東門

飲餞多北地鈴馱冗 裕 乘風想揚鑣過家當上冢 華 雞

壇別舊知鳳閣拜新寵 臯 驂闔候館閤旌拂驛樓棋 維

杓衝寒馬毛縮裹雪僕心恂 四科 雙墩隻墩迎十漿五

漿奉 炎 封崖冰嗟我撐郭樹臃腫 名世 闕市驚乍穿短

簪喜初擁

世駿

岱色翠忽交燕雲晴可捧

裕

曉瞥盤空

鷹夜咽踞寒蒼

華

美哉壯遊遨胡然惜微廼

阜

心儀王

道平目極

帝闕鞏

維杓

殊恩故特達當職敢傷燭

四利

陳謨追虞唐銜憲展虔

悚炎

革帶玉螭盤黼裘青兕革

名世

丹穴耀九苞華省

豔雙琪

世駿

兼謂小阮晴嵐

朝制尊鼎槐

皇輿擴秦隴

裕

德至銀甕出瑞應玉膏溶

華

賜復逮耆

耆肆省破孿萃

阜

謀謨參廟堂燮理佐宰家

維杓

冀言

羽排霄清緒繭抽蛹

四科

居中體易崇近日價增踊

道古堂詩集卷三

韓江集

九

雄飛鳶戾天卑伏燕斂翮

名世

君行慎樞筦趨直準宮

甬

世駿

我其內熱歟鬪險夜呼洵

裕

與項均言別

月窮羣動蟄不見役車休歸計吾非亟人生各有謀

疴成小劫別錄起新愁一雪晴逾好看山興轉適

遊法雲寺同用溫飛卿法雲寺詠雙檜韻

春陰接日萃鷗羣入寺尋僧靜趣分草色不殊驃騎宅

風聲猶張皖城軍空枝野燒歸塵劫落日殘鐘殷梵雲

公等共深懷古意香林清唄幾回聞

和陶連雨獨酌

達生貴元尚衆人不謂然長恐烟客詣未遂桑者閒歡
然命杯酌得酒勝學仙共處大塊內萬物遊其天醉醒
各有適知覺誰獨先曜靈久匿景旬積當來還晦明強
分析何與皇義年樹立苟不朽豈在詹詹言

吳均 招集程氏園亭

名園幽復似郊扉看竹同來坐釣磯遮眼綠陰開曉霽
稱身白袷試春衣東西屋夾清漳住高下花迎綺席飛
卽此一觴兼一詠永和以後見應稀

歲暮畱別遺安樓同好

朔氣將吹雪輕舟喜蹙操客心懷土亟歸計閉門高屢

道古堂詩集卷三

韓江集

十

酌清醪滿仍慚菜把叨別愁驅不得且共一鐙挑

野寺尋碑圖爲杜太守甲作

杜序云按志卜從善明末總兵先以副總兵守衛闔
賊犯開封巡撫高名衡令暗渡河南掘河灌賊營未
成賊覺衝散後河決陷開封從善以水師至賊上河
北諸軍用大礮擊沉賊前鋒土寇李際遇等所在蜂
起從善兵僅三千人屢建奇功崇禎十七年賊將破
懷慶漸逼衛從善護潞藩南行賊旋據衛城從善返
與爭力竭爲所執大罵不屈遂遇害剖腹刳胸備極
慘毒郡人哀之殮其尸葬於北關寶曇寺後東偏志

載如此余赴寶曇寺訪問住持崇蘭復至寺後東北
李姓地內見前任徐公名汝瓚所立之碑書明末總
兵官卜公從善之墓乾隆二十一年立碑石下截已
斷問公之墓皆茫然不能指其處想當日公尸已分
郡人草草收殮葺宏碧血久矣化爲青燐矣因重整
其碑密砌深埋以冀永久

寶曇古寺衛河濱杖策尋碑落日昏延頸甄生猶闕傳
銜鬚溫序未歸魂熊韜莫挽黃旗運馬革難銷碧血痕
寄與共城賢令尹謂賢子方宰汲縣不妨從此薦溪蓀

劉觀察

謙

招同杜太守

甲

程司馬

名世

泛舟至平

山堂挈僧

輔誠

看月而歸

道古堂詩集卷十三

韓江集

十一

生衣短杖一舟乘隨意招邀世外朋勝地得閒宜看月
老人無伴但尋僧谿廊客散旋吹笛野店帘收尚點鐙
荷葉試香鷗夢熟槩牙休遣動魚鬐

前題次杜太守韻

滿撈寒菴宿中洲且共牽船慢慢遊塵外僧伽閒似鶴
酒邊風景爽於秋烏貪樹密分枝占魚唼蘋香見月浮
物理細推吟興劇煮茶聲裏小淹留

題汪

棟

後談藝圖

風雅有代興流別溯明制宣正趨平易逸軌漸陵替李

何起陝豫猛力振衰弊誰與往焉僂乃自偃王裔廸功
操吳風啟秀在綺歲心折北地豪一變歸雄麗左拍元
端肩右把華玉袂深造寫自得奮筆錄談藝囂然志復
古陶物功不細岵岑聳塵表末學罕津逮

皇朝蘊英韶夔臯各師濟中和紹三古性術原五際休
風一以暢斯道見關繫吾友黃海英浮溪溯華系瑤胸
濯風露秀格掃榛翳平生一瓣香昌穀獨心契北闕三
上書退筆凡幾瘞油鐙僧寺張雪酒斜街貫清辭析伊
鬱高論破夢寐寫圖繼徐後從容理羣製本志以章教
致遠詎恐泥嚶嚶千載心獨出誰齒隸執卷爾何人心

道古堂詩集卷三

韓江集

十一

盟想新締四傑參邊貢七子王鄭儷往哲賈前勇今賢
殿後繼八代異塗轍未肯趨一例吾衰久矣夫所見非
世諦胸中有雌黃欲語羞失勢有詩三數卷浩氣頗澎
凜茆齋倘過從揖子煩次第

楊花三首

是花非葉費商量薄襯春陰淺著黃一去遠空無處捉
笑他心性太顛狂

擘絮搓綿點客衣穿花旋復渡漁磯凝妝少婦新愁劇
莫傷高樓歷亂飛

突起東風仰面看步虛無路借梯安從卿學得輕身法

驀地鑽天也不難

平安車歌爲江晟作

一器聚焉工爲多遊環鞞續交相摩雙輪輾輾藉行遠
義取安穩無偏頗吾友突兀出新意通轆單輪制獨異
一人前挽一後推有似坡翁喻欹器流蘇四角紛飄揚
安坐更凭斑絲囊文虬赤駟謝驂服短轅長轂齊堅強
造成竟欲追羲馭南越西秦北燕豫轍環屈指半天下
歸臥天都聊一駐竹西偶見鴻爪痕解轅脫軛長閉門
有時散步過鄰曲枌榆古社脩雞豚豐戟張氣雄拔
世上恩讎抹撥狂逢丙吉偶吐茵飲值陳遵便投轄

道古堂詩集卷之三

韓江集

十三

鄙人訪舊來邗溝拍肩一笑皆白頭巾車亟遣迎薛訪
轉喉孃孃揚清謳與酣督我浣吟筆我未經眸寫不得
畫師喚繪考工圖尺寸分明遵古式嗟君磊落負奇志
萬里橫行不得試三車妙諦我能參並駕攬雲造秋寺
平安之義請一論太行屢有傾輜人無危之輿讓子占
暢好花墅頻嬉春此車夾溱不能考說與楊誨仍未了
尻輪神馬至理存讀我長歌自通曉

康山秋眺

轉巷岡形接開門雁影來遠窮無礙境坐想不羈才草
徑澹秋迹風林起暮哀靜聞鄰梵動吟嘯亦悠哉

秋陰

遠天如夢窈難窺井入深秋景更奇樹頂亂堆雲羃歷
水邊涼蔭竹參差侵檐只解遮晴色作冷何曾釀雨絲
綺席涼來無月到酒人莫怪放簾遲

題馬氏昆季雲壑清吟圖

天風謾謾穿長松兩耳已覺酣笙鏞寒泉淥淥瀉幽壑
偶觸犖确成琤琮何來二妙叶清響收斂萬象歸忡懣
空山無人衆竅闕獨畱噫氣號青峯激謫叱吸諤且叫
似與詩客爭于喁嗟予此事有獨契屢闖吟坵羈遊踪
境清未許塵跡溷欲僂離坐無由逢黃家漾口夜夢見

道古堂詩集卷之三

韓江集

十四

雪浪盆古其辭豐作詩寄訊詫異事至今耿耿蟠於胸

見子嶺南集

桓山四鳥翼忽折叔兮奄忽隨沙蟲么弦孤韻

怒予季嗚咽頗類經霜萎邗溝重來影堂閉汎瀾老淚
交清容披圖悲悚發深喟褻玩竊恐難爲恭卷還鄭重
付阿買

謂令嗣元一

亟縛閹檻攫雲封

桃盃歌爲馬日璐方士虔作

我聞世有綏山桃雖不得食亦足豪桃經三千歲始熟
自從張家小兒偷後無人遭天台路迴武陵窈花事雖
繁蕢實少胡麻流出漁子歸紅雨斑斕仍未埽韓江者
碩方與馬七十齊年當孟夏庚甲無差月日同兩家羊

酒充門厦道是同生姓各殊欲詫奇聞事難假朋酒交
傳獻壽盃斟酌天漿常少暇是何巧匠朱碧山範桃破
費金十錢駢枝儷葉巧纓帶合之成偶離則鰥馬也半
槎夙自號方亦糟邱名未噪弟勸兄酬各飲滿不藉分
投待李報開筵招我非今雨卅載雞壇共遊處瓜刀未
割宛天成諄請當杯賦長句酌君酒爲君歌此桃迴異
螺卮犀角金叵羅不勞纖蕙長衷擎青娥酸漿蜜味旨
且多令君歲歲顏常酡爲君歌酌君酒世外浮榮竟何
有只有詩篇垂不朽卽如此桃初入蓬髮虎齒婉羅手
瑤池宴罷賦四言朱鳥窺餘畱一首武皇內傳盛流傳

道古堂詩集卷五

韓江集

五

員闕層臺不脛走二子澹雅才詩名在人口騎鯨跨蝶
戲三山穴蠹穿蟬窮二酉謝家好句整從心葛氏神方
常在肘天瓢屈注酒膽豚九竅香生詩力厚一飲上池
水溢綠骨輕再飲綠筋貫睛齒堅久裹以齊東繚戾之
文綾配以于闐光精之玉斗絡以赤城霞頂馭蔓萬歲
藤佐以太華峯頭如船之雪藕非鷓非鰈每並行歷霰
綿霜恒共守桃乎桃乎慶爾遭人與此盃均不苟明年
我亦老而傳願聳吟肩隨兩叟社中香火亮見容只恐
仙桃難再剖

積雨初晴江助招集淨香園卽事

積雨連朝淨洗塵乍晴天氣健遊人輕風喚柳傲傲舞
遲日烘花漸漸新碧草借他脩禊地畫船著我苦吟身
溪頭磐石雙趺穩欲乞絲竿釣錦鱗

重過休園卽事

城隅路轉淨塵沙又到滎陽外史家壓帽枝低妨野鶴
穿籬水急漾修蛇投閒心性便看竹頌酒生涯只惜花
應是詩翁天與福今朝風景更清嘉

首夏集張

四科

榮木軒

蕭閒門巷勝郊扉暇得招尋暫息機詩效元言非世諦
花迎初日有清輝晴軒山鳥時啼竹歸客江風尚在衣

道古堂詩集卷三

蘇江集

十六

時張司訓
還自武昌

秀髮龐眉圖六逸徂徠以後見應稀

夏五集玲瓏山館奉懷盧運使

習家池館綠陰成記共山翁曳杖行翻悔舊遊輕握別
久欽晚計穩歸耕九河風雨供鴻筆三楚雲濤冷鷺盟
認取雙清心跡在潑天青竹有題名

淨香園秋日觀荷

陂塘入秋曉綠水彌沖澗亭亭萬柄荷離立清漣中紅
白各自好間錯造物工妙香蘊無迹逆鼻因微風白鷗
傲我閒曬翅漁梁東刺船一相就飛墮菰蒲叢樂方窈
難狀物理將安窮須臾萬象斂高柳懸青銅殷勤照瑤

席花氣逾溟濛何圖清涼國招邀兩仙童嬌歌慄心脾
四野無號蟲人影各在地宛似枯蓮蓬

送門人陳侍讀

鴻寶

還

朝兼簡令叔銀臺

兆崙

四首

扶杖嫵姍強出城河橋傳送舍人行柳條解識東風意
吹綠柔荑一夕生

畫船安穩指滄州夕膳晨羞孝思稠聞道

觀河方警蹕簪毫猶得扈龍舟

每從天上舉頭看丹地清嚴欲到難一事只君輪謝眺
翻塔紅藥已開殘

道學詩集卷二十三 韓江集

七

君家癡叔直明光彩筆詞科共頡頏野老敬煩傳一語
國恩思報祇文章

陳乾

招同潘泉壽

譽遠

令叔

阜

草堂小集

隔巷招尋四老翁寬鞵瘦策藥闌東談深只愛鄉音熟
吟苦頻驚句法雄花氣暖融清酒釀月華涼映蠟燈紅
玉塵賭得全無用誰信圍棋橘叟工

陳乾

安樞館觀亡友金

農畫梅

髯翁去作騎鯨客祇剩冰魂與雪魄幽香冷沁白鹿胎
鐵榦橫撐凍蛟吞梅花雨樹立青空活蘚乾苔次第積
清夷長者爾何人髯豈豪端所憑藉一圈一圈千百圈

花瓣紛紛照人白畫成珍重復題句自寫襟期常嘆喟
飢來得錢亦復賣飽則千金不肯易枯僧裹茗恒借觀
豪客腰金打門索荔園居士胎骨清花癖時時兼畫癖
一言投合脫手贈寶之何啻尺二璧青瓷軸頭裝裏新
潞錦球紋袞糊碧三年坐臥不忍離挂在空堂雪色壁
幽光冷韻森四射火傘高張失炎赫東關東去清漳宅
暇日招尋展吟屐入門瞥見橫斜枝令我淒然感疇昔
江頭寒月待歸人歲歲言歸言不覈梅妻早喪夜臺孤
佛屋囂湫望周窄裹骸有子先日臨銘墓無人後死責
高齋讀書促題詩我媿才枯少媿嬾搜腸琢句尚苦便
偷得冬心集中格玲瓏簾額蔽枯碁錯落珠鐙照瑤席
追歎莫便裂風景作使平頭且行炙

道古堂詩集卷二十四

仁和 杭世駿 大宗

韓江續集

奉酬南齋諸公中秋前一日山館對月有懷

題襟先有約滿望到秋中山館生明月江帆少順風吟
邊攜驥子酒坐憶車公莫笑生涯拙飄搖類轉蓬

過小玲瓏山館復酬諸公

才子趨庭過詩朋隔巷招相思仍昨日相見喜今朝寒
色歸吟筆清言佐酒瓢冬街少冰雪不畏去途遙

再過山館

道古堂詩集卷二十四 韓江續集

一

幽關幾日斷知聞興到衝寒又萃羣山戀夕陰將釀雪
樹棲殘靄欲爲雲相人且喜成三耦遲陳臯不至
同賦者六人阿買
真堪張一軍詩境詩才兩清絕那能步履不來勤

汪棣 招集青桂山房

施從石門入山近雲仍封淺泝徑路絕乍喜漁梁逢堂
上生桂樹木末攀芙蓉屈杜非寓言接境成歡悰維時
木葉脫細草猶丰茸森森聳寒翠况有杉竹松已悅仁
智性旋豁柴棘胸歸榜養腰脚珍此九節筇

張幼芬 善侍父疾繪采藥圖以見志書二絕句褒

之

侍疾方書細討論遠攜鴉背劘靈根孝思試遡千年上
虞仲猶然是託言

金庭石室窈難如上藥行求病卽除莫問子和君遠近
儒門原有事親書

藤花菴觀厲徵君手書詩集感賦

旭景停南榮促坐試炙背鬱焉懷古情寂莫無所爲流
觀理竹素驚見瘦筋字新詩四十九一一清且恣故人
抱明月幽光蘊神智寓物無凡情觸景發奇思御風周
六虛山雨洗樵悴觀其所造微隱秀費思議墨花粲四
照庭栢助寒翠卽事感存歿相嚮制老淚

竹帳

道古堂詩集卷二十四 韓江續集

二

織竹成帷孰所教湘中巧匠費推敲疎簾四面玲瓏望
細篾千絲屈曲交埽榻不煩除莠葉擁衾猶得數烟梢
商量清士差堪臥銀蒜紅珠一例拋

題文待詔畫後赤壁賦

黃泥阪口喚輕船已是霜飛木脫天觸網巨鱸鮮入饌
掠舟孤鶴夢疑仙勝遊歷落豪情在妙跡臨摹墨氣全
石壁插江空崕帆不將前賦共雕鐫

孫北海庚子銷夏記東坡與欽之書云有後赤壁
賦筆倦未能寫又云卷首損壞文衡山補之前意

未盡再賦一首

坡翁此賦美難如卷首叢殘七字虛

脫之坂霜露既降天共七字

曾

說衡山勤補綴又聞北海謹收儲龍跳虎臥雄無敵玉
躡金題愛有餘親見雪堂真跡在何云筆倦未能書

項均畫梅歌

項均不是塵中客冰雪肝腸梅氣格霜姿餓榦寫前身
不向丹青使閒筆胸中無數嶺上梅一圈兩圈花自開
捩眼已驚寒色悄到手不放春工回著簪亂插莽無次
看似孤清轉雄恣畫格高寒不入時人與花光共蕉萃
偶然耽究作詩肯屈首金髯稱弟子髯兮愛錢不動筆

道古堂詩集卷二十四

韓江續集

三

均也甘心畫不止圖成幅幅署髯名濃墨刷字世便驚
髯今物化梅花在屏幃時時發光怪寒香滿腹不療飢
擔向街頭和菜賣冰澌咽澗煙淒迷我欲振汝無階梯
嗟今三十貧不娶林逋卽以梅爲妻羅浮路遠夢曾到
醒抱明月仍單棲鵲鳴喚婦屋角啼紛紛菜傭務求益
賣畫奈汝索價低

題小屋吟秋圖

有雨秋在蟲有風秋在葉有月秋在窗涼氣已暗衰臥
看織女星銀漢淺可接詩人發興新捶字務妥帖繼響
知爲誰嫋嫋鄰笛聲

題徐氏翠交林

初名學圃金
布衣農改

息影塵囂外爲園廉讓間
幽棲堂構遠學圃耨耘擬
陸東西廡稱何大小山崢嶸
逼象緯浩蕩接漁灣俯檻
看鷗浴登樓待鶴還石奇
何用選樹密詎宜刪宴賞
逢冬暖招邀趁客閒算棋
偏得切覓句不愁鰥綠字
曹倉

藤花菴四詠

謂徐
柱

樹根几

誰劖秋樹根伸縮現鱗爪
擁腫完天真斤削謝匠巧
材與不材間物理悟膠擾

道古堂詩集卷十四

韓江續集

四

雕竹屏風

隔坐施竹屏雕鏤功不省
玲瓏透風尖瑣碎篩月影
倦僕頭屢觸夢沁髮根冷

髹漆榻

一室光可鑑木榻制樸魯
文書妙入神顧銘辭亦古
請加方錦褥抱膝咏梁父

棊磚

旋人出新製棊薦做山骨
結體準直方剗中應虛歇
遠勝鄰上彈激響振林樾

敬題姜貞毅公遺像二首

生署宣州一老兵歿傳遺命葬宣城裏創已顯嚴親節
吮溺難磨令弟名毅魄未銷亡國恨懃言何補末流傾
丹青解寫鬚眉似九死孤忠畫不成

同時拜杖挈開元臀肉飛殘血染禪一疏適逢驕主怒
九闈誰恤直臣冤寓公虎阜還祠廟戍卒青山有墓門
畱得敬亭遺集在兩窗酸讀與招魂

和杜太守

甲

創修郝忠節公祠詩

僕義竟能從主死兒賢不肯背親存綱常已足垂千載
忠孝由來出一門信史崢嶸遺烈杳荒祠合杳亂山昏
比鄰禪闥紛香火

在蓮性寺右

誰向英靈酌一尊

道古堂詩集卷三十四

韓江續集

五

十二月十九日東坡先生生辰釋

方珍

合竹西羣

彥設祭寒香館賦詩紀事

玉局仙人姓蘇氏與我生年同丙子遙遙相望七百年
公已騎箕先我死嗚呼公非一世才下筆萬斛泉源該
黃樓吹笛偶然耳赤壁攜酒胡爲哉嘉平之月日十九
磨蝎身宮恰臨丑孔釋抱送或有然申甫降神夫豈偶
宛虹橋畔風日晴已公茆屋竹滿庭玉丫叉古出畫像
短屐雙縛笠子輕詩朋載筆續續至喚艇鼓冰破寒翠
瓣香私淑蓋有年願附門牆非買醉思公所嗜如公在
花猪竹颺元修菜晶飯仍參白糝羹棕笋稀奇少人賣

敬舉一觴爲公壽糟牀先辦真一酒仙才海量不論斛

竟欲從公借升斗大科對策入三等詞垣草制推巨手

據掌致地尻益高絮禱諄諄公鑒否佛說法報有二身

坡詩用之金山捏塑能逼真廣州小金山寺有公塑像龍眠白描此其二

綿津祭後今無人老僧元理邁琴蜜琢句還比青蘿新

竹溪已招孔巢父蓮社復挈劉遺民嗟余後死頭已白

也向閒坊展吟屐仰公最早識面遲禪喜徘徊到深夕

贄公請業合有詩公眸炯炯能辨之落紙艱劬筆屢吮

持鼓雷門憂被晒窺檐苦月出林輝揮手辭公且回軫

題陳玉几梅花雪蕉畫

道山堂詩集卷三十四 韓江續集

六

甘蕉入夏敷其葉大難剪經霜日離披風起不得展梅

花抱冬心勁榦絕美輒苔須黏雪肥瓊朶綴枝淺畫師

雙管下一敗一偃蹇生枯任意爲榮悴隨手轉弱植無

後彫幽花貞歲晏南華物難齊天問理可衍

馬生 振仲 約身以禮能以詩紹其家學乾隆歲在

丁亥上元吉日當冠阼之年以玉輪一枚奉獻玉

取其孚尹旁達席珍以待聘也輪取其運行不息

夙夜強學以待問也先以小詩以代三加之祝云

慈雲偏蔭幾由旬采玉闌河巧斲輪蟾窟放光初滿魄

曦車騁轡恰躔寅璣衡旋轉羅星度黃字分明見壽人

一十二時供把玩性源長湛筆長春

題寇白門小像四首

千金我肯贖蛾眉可惜侯門彼一時今日披圖親識面
春寒無藉卷還遲

目斷青溪故壘昏板橋遺跡况沈淪如何千載鬼峩筆
降格還題寇白門

八代關河入夢遙枉將金粉誤南朝題詩我笑王司李
只憶秦淮舊板橋

膩粉濃脂一例收白頭蒙叟強風流豈知北史儒林傳
縮屋稱貞許散愁

道古堂詩集卷二十四

韓江續集

七

梅槎歌爲吳均作

吳生醉啓笑齒瑳敦我試作梅槎歌槎形宛肖張博望
恍從碧落穿銀河空山埋蛻幾千載雨淋日炙沈荒阿
礫礫不蒙匠石顧堅瘦已受冰霜多東風吹盡香雪海
但餘根柢刪枝柯遠從石樓頂近歷孤山坡何年磨洗
發光怪落手奚止于摩挲象形制器出新意窪中屈曲
傾無何位置几案平不頗勝銀鑿落金叵羅吾聞竹西
二槎制作古器以人重言非訛碧山銀槎重廿鍤勾引
朱十攢眉哦南齋馬兄出誇客紫藤花底顏常醜犀槎
略倣犯斗製西疇買貯吟詩窩當筵王藻賦長句不與

銀盃羽化同銷磨君今得此堪鼎峙飲徒窺戶肩相摩
蘿衣蕙帶寫寒色踏筵不用擎青娥一槎鯨吸一詩侑
醉鄉律令除煩苛詩成酒盡天亦曉竹根同臥遑知他
我來邗水覓飲地戶小不勝雙紅螺清香透體味辛烈
此槎到口蠲沈痾請君細篆益壽延壽字仰助醴化廻
春和梅花滿山不歸去因君酒釀成蹉跎

馬徵君招集七峯草亭送別

倦遊念徹廬歸典不可降異書載兩頭白板裁輕艘密
雪已封徑滑澁凍石砭草亭羅七峯萬竹青交撞虛白
生一室霽色明油窗故人寒置酒粥面新開釭齒牙脆
嚼冰妙句祛羣咙疎梅照幾點翠鳥飛一雙

道古堂詩集卷二十四

韓江續集

八

易承基

宅用宋樓攻媿送王仲言倅海陵韻畱別

閱華

沙維杓 易諧 吳均

離堂握手意蒼涼洗禪重煩杜黃揚未得曠懷舒嘯傲
試拈長句鬪堅強裴王輞口無塵事蘇李河梁有報章
排日追歡原不惡故人情厚卽吾鄉

詠詩南軒賦春山得襟字

芳甸吹塵緩看山豁素襟雲根過年活黛色幾重深嬌
女眉偷樣繁花鳥習吟輕煙遮不極樵徑杳難尋

二月旣望張

世進

招集梅花下餞別

人道還鄉好吾衰意轉慵追歡常過分話別不嫌重詩
格同梅瘦離懷比酒濃三春剛去半圓魄又相逢

張給諫

馨

招集三松堂餞別

策杖經過路不賒寒松當戶見槎枒累君埽徑頻沽酒
邀我看山補種花二月天方開麗景中年人各愛春華
風光歷歷歸吟筆題徧空廊日未斜

題張觀察

棟

楓林晚坐圖

春樹紅在花秋樹紅在葉花紅露眼泣葉紅霜氣淡萬
綠各就凋楓楠轉暉暉所以曠士懷愛展林間屨石徑
路屈盤犖确費跋蹠繼馬揀樹榭休徒倚山脇白雲爲

道古堂詩集卷十四

韓江續集

九

藩籬青嶂對眉睫一重復一掩奇景不暇接鳥飛所不
到妙趣意先攝蕭灑張左轄夙世蘊慧業冬林偶宴坐
雲氣滿衣褶幽奇眺晚晴清境俯難拾山風一以下涼
木響爕爕

歛縣唐四

城

沒二十年矣其子

鐸

抱遺像來乞詩

有諾責者又三年於其歸用柳州法華寺石門韻

題之

幽潛寡世營跼伏氣不爽浮雲蔽虛空何處容吾仰挾
日無客過門徑草漸長何來故人子簡穆愜元賞握衣
拜牀下屏息歷階上手持一軸圖名號慎題榜苔岑臭

味合心目爲開敞千竿竹蕭蕭一道水瀼瀼迨視認始
真諦觀神旋往清豪見胸襟淳古露氣象吾家鄰汪芒
典籍世有掌羣從日追逐瑠鑄出瑤想精銳走雷霆光
怪驅魍魎兼以嚴進取直道正羣枉君從黃山來入坐
繼清響措念方懷新轉瞬已成曩浩然別我去判袂心
養養偶游絕因依欲往失倚仗朝氣涵秋清孤懷映月
朗每思平生言恒以曷吾黨遙遙隔京雒各各逐塵塊
君旣車牛牽余亦農漁傲山館忽見過鷗盟踐息壤攀
林倚連蜷臨池弄泱泱娛老計未周爲樂途甚廣奈何
歲運徂精魄遂搖蕩百身如可贖斯人豈有兩徒令千
里外彷彿記畫像從容祀茶神端肅拜石丈宿諾久始
踐淦淦泚盈顙

道古堂詩集卷二十五

仁和 杭世駿 大宗

送老集 上

五月四日江 立 招同汪徵士 沈 汪員外 憲 陸解元

飛 小集枯樹灣寓舍

夏木幽森淥似苔瓶廬如畫枕城隈輕舟慢水灣環去
短策寬鞋次第來喜借僑吳高士宅探支隔日午筵杯
明知遠限重門鑰不逐昏鴉不肯回

同作

汪 沈

解纓筵勞先日開扁舟招我出城隈樹陰成幄耽幽

道古堂詩集卷二十五 送老集

一

寂鷗鳥忘機約往來耘老三間茗水宅花翁一曲馬

陸杯風流異代真堪繼更乞烟雲滿袖回 時江以小齋雲山圖

索題

嚴 澹 移居二首

又向街南受一廬幽棲不為世緣牽揚雄宅恐旁人認

庾信園應異代傳遣興只須詩送日尊生底用酒為年

青楊門巷欣鄰並來往吾尤步履便

帛槌茶磨宛仙風白犬丹雞入畫中借竈請鄰吾有分

撐門挂戶 四字見王 僕能工課孫細玩牀頭易治疾先

捐壁上弓最好葵榴森照眼華堂交映醉顏紅

題吳惠金洗竹圖

自來種竹有方法在去其祖存其孫枯枝癩葉盡翦薙
務剗老幹剗陳根吳剛斫桂乃本業園有苦竹尤殷繁
攘之剔之日農力不間霧夕兼烟昏漏風篩月怪通透
但見蕭疎比前瘦搖青露頂天宇寬穿地行鞭土脈湊
幾年培養漸成林罽泥厚水苦用心濕螢閃閃避晚雨
倦鳥拍拍投深陰修蛇巷陌門可欵巷轉墻頭翠影滿
雙趺磐石看不足累我枯棋費茗椀阿師小筆妙香薰
畫聖詩禪兩不分世間熱客知多少耐可蒼涼對此君
分詠西湖名賢居止得僧省常白蓮堂

道古堂詩集卷五

送老集

二

青豆閒房構幾椽山僧樂此聽風泉定香逆鼻禪風起
月上滿池開白蓮是誰闌入華嚴社槐鼎年年共結夏
試拈妙義叩廬山十八高賢應避舍僧結華嚴淨行社
王旦主之入社者
陳堯叟向敏中等共
十八人合廬山之數

題欽義寶鼎樓印組

嘯堂集古世爭傳斯籀千秋篆法全只有竹房吾晤子
特標螭扁繼前賢

閑士焚虛丁隱君各曾印苑建奇勳不圖舊雨重泉隔
能事驚逢欽右軍

骨董臚陳索價高門攤挨訪興偏豪劉棻不是無奇字

只少昆吾切玉刀

八體紛綸認未真，陋儒識字劇艱辛。
櫟園死後無公鑒，誰解提鉛傳印人。

珊瑚木難仄原難覓，金薤琳瑯孰見來。
絕似倪迂清閨閣錦函珍重，揀人開。

閏七夕小集雲根園

涼風乍起星河靜，梧葉依然落金井。
吳剛倚樹耿不眠，吟侶翩翩咸造請。
飲中良會此宵追，天上佳期前度省。
山池入畫箋，共分瓜果充筵燭。
應乘魚跳錦浪止，復喧竹弄清姿斜。
更整玉鉤徐轉石橋南，一院青苔漏秋影。
匏瓜無匹素娥單，勾引浮雲度西嶺。
畫屏閒坐笑癡牛，想見徘徊戀清景。

秋草四首和梁孝廉

夢善

小草經秋日漸滋，搖毫四顧試抽思。
黃連大磧邊程斷，青入遙山野燒遲。
一例亂隨乾葉踏，半生虛過落花期。
霜欺雨打韶顏老，莫怨東皇不見知。

連天綠漲達蕭辰，曾記毬場跋馬頻。
漠漠有時籠薄霧，蕭蕭無計避黃塵。
驚風目斷臨江岸，落日心關出塞人。
亦擬郊遊挈蠻榼，不知地是芳茵。

湖塘占得好家居，只恨裙腰綠不如。
也有根荄承雨露

了無聊賴傍階除難邀淑氣迴芳句誰肯荒原走鈿車
偶出溪柴閒策杖寒蕪宿莽渺愁予

別有淒清在意中不關苦雨不關風亂鋪劉表呼鷹地
細苗高歡避暑宮一片平沙棲落鴈五更涼露咽鳴蟲
新泥甕斗料量久莫更負綠入蕙叢

八月六日龔孝廉

禋身

招遊臯園歸飲健柏草堂

端居少人事往籍供元對園林喜佳招散策領同隊問
途遵微行如徑闢荒穢灌木大蔽牛當門森蔓樹粉郭
當藩籬端正不偏背活水匯城濠汨汨流不潰禽啼青
竹幽魚躍綠萍碎島嶼互滌洄亭館呈妙績經營始何

道古堂詩集卷二五

送老集

四

年登頓宜我輩嗟余筋力衰雖老尙未悖曠懷無俗牽
周覽有餘喟慨此泉石區已閱幾興廢先後兩黃門風
雅遞禪代

園爲嚴顥亭始創今屬孫牧堂給諫

晚烟上河橋初月照陰晦

歸來草堂清健柏儼然在古色干青雲蒼皮罩晴黛高
疑笠蓋擎卑或帽簷礙酌酒見性情哦詩紀年載良遊
慶吾遭盛饌志君愛

葉明經謨挽詩

蘭樵至性迥難儔親病愁心目望瘳京兆割肌張阿九

漢書介之推割肌存君此割股之始張阿九見唐書孝友傳

孱陵嘗糞庾黔婁寒廬

竚俟烏頭表佳傳行看信史收卅載文林託襟契河橋

每過輒低雷

何節母壽詩

何氏有節母貞操秋霜如甲子方徧歷白髮已滿梳問
母何早白處境誠艱虞施衿申母命敬慎事舅姑廿三
所天隕遺此一歲雛之死豈不甘其奈雛呱呱割情勉
進食含蘂兼茹茶朝炊米一溢夕進粥一盂一燈青熒
熒燥軒轉轆轤軋夜不休書聲偕伊吾成童學業成
餽口何所須謀生各有執請母擇一途猾吏不可爲無
寧爲寒儒吏猾觸刑網儒寒遠罪辜衣冠雖踞涼究屬
聖賢徒學子六七人學舍占一區中卷前質問貼貼循

道古堂詩集卷五

送老集

五

坐隅二十二萬言笙典咀其腴暇輒爲歌詩和鳴叶笙

竽余嘗挾二汪

徵士沈員外憲

輕舸穿闌闔求友於北郭緩步

尋荒墟邂逅適我願隔水遙相呼遂申登堂敬清氣溢

敝廬示我六七篇爛若雲霞鋪一讀一咋舌神氣索小

巫人事旣已盡天道終難誣方今四門闢取士格不拘

有才如吾子肯令長菰蘆策名諒不忝守道原非迂色

養耻干祿跼伏甘蓬樞陽春迴大地萬物皆昭蘇旌門

崇綽楔奕奕光里閭阿母堂上坐令子庭階趨曲跽介

康爵兩壺還兩踰壽萱葉沃若高栢無枯枝觀者生愛

敬愛敬仍嗟吁有兒成國器母教真良圖是母與是子

貞孝天下無

次蔡石屏安橋幽居

老樹環階綠暎苔寺隣金佛信幽哉租菱人去义魚集
賣橘船歸載酒來北上半塘栖水接南瞻一壑鶴峯開
守元尙白真吾分門徑何妨徧草萊

溧陽烈女王二姑挽詩

人生孰不死貴得心所安閨媛慕貞操視死斯無難瑯
琊有賢女秉性介以端委禽許名族待字垂纓鞏春霜
一何酷摧彼謝砌蘭昏禮雖未具要言詎可寒易服思
奔喪守義甘形單此意恐不遂一死大義完制行或過
中志則堅如磐精誠動風雨聞者咸哀嘆金松有奇節
玉泉無濁瀾作詩述芳軌百世可以觀

人日赴吳城之招

曉起風光便不同緩攜藤杖過橋東地當磬弟梅兄候
人住堯天舜日中四座算年推我長七言選韻信誰工
排頭勝引今方始一笑樽膠到手空

脩禊於蓮居菴用梅宛陵和楊直講夾竹花圖韻

庶草抽莢芳甸綠滿意塵寰覓禰谷橫河東折路更東
積雨初收新水足浮空野色肆排闥展出蒼疎畫一幅
扶筇蹙躡入閒坊像設莊嚴徑幽曲重三袂禊古所重

藉草臨流且沿俗是時天氣陰晴兼虛暖微茫隱雲族
拾樵煎茗勞雛僧劬筍烹鮮役倦僕無邊韶景尙容賒
一段清愁遣誰鬻盤中飭餅白於綿缸面撒筍濃似粥
佛香風過襲春衣十笏雲堂簾盡軸鄰鐘催客不肯歸
猶上河橋縱遠目

咏白杜鵑花

一株躑躅苑牆東冷艷何年竟洗紅粉面素娥猜恐妬
春心望帝寫難工無人爲拜西川外比鳥應啼夜月中
血淚可憐誰處覓水精簾隔更溟濛

吳城送青皮蔗

道古堂詩集卷三五

送老集

七

五尺青皮蔗莖較我長替持綠玉杖交映翠羅裳惠
好光盈把分甘齒溢漿清閒覲晚境故遣老夫嘗

以青皮蔗送堇浦

錢塘吳城敦復

五挺休嫌少來從下若街到頭誇老境入口沁幽懷
色合松筠伴少陵有幸對松筠之句長應著作儕甘分小兒女

流液濺空堦

漫與疊韻二首

駸駸年運駛奔輪風雨連綿誤好春屈指勝遊無幾處
關心老友祇三人謂吳城汪沆猛辭世網偏宜嬾畧引愁端
不過貧扶杖政期歌

德化亟須調護苦吟身

開年三見月重輪宛似枯禪過一春豈假澆愁喚紅友
何曾伴夜覓瓊人名微轉諱頭銜賤智耄難醫腹笥貧
蟲臂鼠肝空幻想跼躄悔不學輕身

良園咏新竹得影字

修修青霄姿剛介其本性當春篔萌掀紉脫新露穎雷
笋愛惜刪直節乃得遲叢生不愁孤離立偏耐冷茅茨
坐彈琴相對光罔罔風起動成響月到碎篩影物生必
於蒙長養我爲政題詩慰幽獨生意默自領

送汪

沈

之吳門用漫與韻二首同吳

城作

道學詩集卷二五

送老集

八

卅年閩粵織蹄輪憶共郊居祇一春門下世多彈鋏客
牀頭自有捉刀人相期左氏詩招隱不用揚雄賦逐貧
老屋苔花新更綠却愁淫雨濕松身

違時我譬轉方輸入世君真到處春載筆葛龔工作奏
登樓王粲慣依人書傳城旦文無害念切民依道不貧
百里吳門剛溽暑也須珍重客中身

就園文讌詩爲孫

廷錫

作

高樹無醜枝曲磔流清音步欄通金堂傑閣冠玉岑嘉
遊非俗賞勝地便幽尋言招竹溪逸共題漢上襟烹泉
安石鼎布席揀綠陰濯足驚潛儵歌詩苔棲禽道士坐

竹房爲鼓邱中琴庶幾張伯雨或者鄧牧心雅集已成
曩禊事匪始今幸際羲黃時莫使塵慮侵

伏日孫上舍

傳會

招集南華堂

勝地招邀向習家園池水竹湛清華雲陰欲漏催詩雨
伏熱宜呼醒酒茶晚興移牀過柳蔭涼風吹夢入蘋花
盟鷗人去空亭在惆悵癡鷗立淺沙

園有三十六鷗亭
趙徵君昱遺構

題俞葆寅

荷溪泛月圖

荷葉田田柳如線一葉穿花隨岸轉姮娥高處愛窺窺
水面萍開忽相見波恬夜靜艣漫鳴葦叢或恐鷗夢驚
碧筒吸酒健詩骨放筆一笑天河傾此中涼意不可說

道古堂詩集卷三五

送七集

九

欲買扁舟路周折倘邀共載詩筆庸清景天真爲君設

題王廣文

誥

仙都小憩圖

君不見縉雲縣令趙侯炳航石如船坐來冷空山杖履
日往來如踐鷗盟不待請又不見縉雲縣尉毛維瞻南
溪釣線遊魚銜至今高韻在人境峭壁深刻毛翁巖吾
生好奇緣不偶夢想仙都亦云久湖裏蓮花可當籌石
上窪尊宜貯酒詩非康樂乏天才篆比陽冰非好手塵
凡一隔動千年歲月侵尋成老朽王兄王兄羨爾鼓勇
能一登無人牽挽仗瘦藤山心何窈窕山骨仍峻嶒石
柱插天幽徑窄高寒疑有神仙宅雲中仙樂聞不聞洞

口青芝杳難摘草茵三日客坐臥擬向山坳展瑤席謾
謾天風樹杪吹吹落松花如白雪儒官非尉亦非令學
舍打頭立不正胸中邱壑頗偏奇只愛提鉛向幽篁一
峯一洞一句詩好景悉以詩寫之詩成更喚三昧手密
林陡壑圖參差寒窗斜日邀讀書過眼烟雲不芥帶畱
題百字卷還君付與名山備詩話

新安貞女汪桂芳挽詩

有絕命
辭二首

栢舟苦節石難移絕粒從容殉我儀一死靡他無宿諾
九原相見有前期憑棺未遂青松志畢命還畱白雪辭
他日貞魂表靈瑞墓門應產九光芝

蕭山汪氏雙節旌門詩

并序

蕭山汪楷官淇縣典史遠遊嶺表歿於羊城客舍繼
室王妾徐養孀姑撫孤子以至成立大吏爲請於
朝獲旌其門徐已前死王尙在堂孤子以乾隆戊子
舉於鄉介予女夫汪彭壽來乞一言古詩十一言爲
暢卽仿其體爲之

固陵大義村北石闕高嵯峨石有時泐汪家雙節名難
磨生平負氣慷慨嚮慕在節義欲往肅拜荒江道左無
由過淇園賢尉遠適南越尉陀國二豎遭虐煢煢隻影
纏沉痾三彭讒口上訴梁父註死籍破窗風雨呼魂妖

鳥巢庭柯翩翩素旒六千里外遞棺至哀哉二婦血淚
灑面交滂沱繼室結婚五稔三旬且闕二其筵二十有
九閱歲仍無多十齡孤子髭彼兩髦翦左角堂上尙有
鬢髻素領高年婆叔也不仁盡室以行徒異縣撐門拄
戶縱有健婦其如何宿逋累累猙獰債主雁行立取償
十指排籤輒破僵頻呵油燈欲明不明促坐理纒軒光
透破壁胸背瑟瑟寒風梭朝齋暮鹽支吾饘鬻苦不繼
狡焉不諒公然入室思操戈闖門致語或以情恕或理
遣能使庶頑悔心易慮終無他老姑壽終榛筭鬢髻杖
卽位附身附棺附椁次第無差訛嬌兒善病猶然不廢
折夔教慈嚴互用恩勤督責誰嫌苛貞操可配高高無
上之嵩岱勁氣欲挽滔滔日下之江河

聖朝發潛甄隱旌門有大典

九重下賁丹詔五色光巖阿所悲生我二年前死不及
見北堂無恙眼看蓬鬢如霜皤天道好還從來苦節必
食報報以科第封生贈死流恩波太歲在子兩浙大比
當貢士主司如箕巨眼炯炯勤搜羅葩流藻采竟以毛
詩魁一榜擢犀二策乙夜經進

重瞻賊由此鵬搏九萬詆蕩赴天闕揄狄闕狄花底奉
母供婆婆冰霜歷盡陽春漸次回大地何異鄒衍吹律

黍谷生暄和有善則記古者所以重惇史女夫敦我亟
亟頌述毋蹉跎猛燭吐燄朗照雪屋一箋擘輿酣放筆
磊落抑塞成高歌

謝太傅祠

謝傳蒼生望遺祠近薦橋東山絲竹散檜樹法雲凋展

齒何時及棋聲此地遙三鷗岡墓隔魂斷恐難招

謝傳初葬

建康陳始興王叔陵葬其母發之棄其柩至孫夷吾爲長城令民爲遷葬於三鷗岡有碑見西吳里語

汪徵君

沈

招集苔花老屋主客六人合四百一歲

各記以詩客爲沈廉使

廷芳

陳州牧

鏞

吳上舍

王秀才

虔

道古堂詩集卷三五

送老集

十一

飲食衍衍計非左其奈衰翁足先跛竹輿安穩御風行
似鹿雙丁泥沒髀入門五叟歡顏迎四顧顏唐孰如我
談深吻渴便呼茶立久腰酸亟思坐家江風俗肯敬老
俯視少年悉英果寬鞋瘦策足徜徉黃髮龐眉轉婀娜
諸君六十已過頭賤子癡頑齒最夥算年四百更加一
康彊逢吉神麻荷從容竹葉解雙瓶寂寞梅花開幾朵
用酒爲年衆謂然以詩送日吾亦頗發聲雖不免伊優
捶字仍然要貼妥東坡三十九龍鍾昌黎四十齒牙墮
造物嗇壽豐其才而我無才壽則那良宵不樂徒自悞
年運駸駸疾飛筭天公有意助清吟急澗衝檐恣軒簸

蝦蟆柳急莫漫催小市寒街尙燈火

題汪徵君嗜酒愛修竹圖

沈

寧可食無肉豈可居無竹
篩月與吟風清陰滿一屋
寧可居無耦豈可坐無酒
種竹須揀辰飲酒當盡酉
汪兄嵇阮倫埋照全天真
養竹不刷筍釀酒務使醇
朝經而夕史左壺右燕几
一杯復一杯醅醕樂忘死
竹影落酒鍾濕翠分外濃
詩脾一以沁造句如清風
許我偶入林綠積涼悄悄
提壺枝上叫勸我聊酌斟
酌子以大斗期子以黃耆
共醉臥竹根逸興緬杜叟

瓶花齋春宴

道古堂詩集卷十五

送老集

十三

淑氣迴芳春驚蟄雷始殷
薄暄能護蘭淺碧漸榮槿
高齋棲雲根巷僻差可隱
卷積聊自娛花繁不暇攜
嘯侶扞奇懷卽景理詩吻
遊思闐幽遐造語屏金粉
迥然契天機遂爾遠塵盆
殘牙嗟老缺食坐自前盡
同儘曲禮食坐盡前
勉勉賡高言韻剩邊幅窘
吟成屢聲牙憂被作者哂

題李觀察四時行樂

琬

四時行樂

元夜宜讀書清光射巖隙
開窗聞梅花滿地畫橫格
迷濛認始真月肥花更瘠

波平不驚鷗莎軟可眠鹿
倚樹浩有思先憂乃後樂
涼風一披拂柳散千絲綠

楓林酣清霜白雲繚繞之誰歟幻奇景試手天公爲意
行覓瘦句刻畫難端倪

玉屑灑不休萬木盡被介南山射獵歸駸駸恣所屈雉
膏兔首肥行炙試一喂

三月二十九日集雲根園迎夏聯句

乘時惜餘春青帝權已謝世駿 謁蛙姑取鬧黃鸝且停

罵吳穎芳 鄉俗節獨重天宇晴尙詐吳城 舊侶因雨睽

新愁倩風嫁汪沔 嬾散久杜門滑達孰勸駕丁傳 巷尾

九曲通林腰一街跨汪憲 招尋路匪遙會合綠豈乍徐

秋 縛帚理荒蕨開徑永清暇吳玉墀 衰翁與尙仍韶景

道古堂詩集卷十五 送老集 古

戀難卸世駿 入門亂紅飛側帽新綠亞穎芳 攢空樹合

團聚潤蘚塞罅城 孤芳綴疎籬清陰漲高架沈 烟竇詰

屈穿蘿幌斜整參憲 短笏幾處橫細礪一支瀉傳 側出

將爲汎旁流卽成汊堂 開湖仿郎官規陂擬僕射玉墀

遊魚若空行浴鳥每雙下世駿 石髮不可梳鬢衣自然

化穎芳 名花憶河洛稗柳分滄瀨城 碧筍蠹修廊疏峯

抗虛榭沈 瘦疑佛胛爲醜或鬼面詫憲 初平叱未起媧

皇鍊初罷傳 匠心垂玲瓏刻畫出隆宬堂 偕躋嗟力孱

欲壓吁可怕玉墀 其上嵌危亭其趾建精舍世駿 雲根

此錫名峯刺巧相讓穎芳 吾儕同里閉日夕接盃竿城

上已尊靈辰解禊借蘭若沈駟隙不逗畱羲轡倦休假

憲恢台一朝臨應以酒相迓傳渾宜缸面撇清待糟牀

醉堂龜蓴滑似油猫笋白於絮玉墀蠶豆青可憐櫻珠

美無價世駿飢飯蒸堆杵韻果掇盈把穎芳裂餅牙未

缺望梅齒先辭城江魚鮮方烹鴉鳥脆堪炙沈轟飲船

下埭角技枝舞柘憲投瓊險得梟分曹各爭霸堂無錢

欲買春有興兼卜夜玉墀畱賓井投轄照座燭燒樺世

駿筆墨縱橫飛檠榻次第掇穎芳秀句珠琲聯精紙粉

光呀城言泉方續竹甘境譬啖蔗沈立意羞雷同標新

極姪憲无嘈并無嘖不敖亦不吳傳時令慨遷移格

道古堂詩集卷二十五 送老集 十五

律謹喑啞堂心賞慚阿連肩隨希叔夏玉墀和聲集八

能鬪險劈三華世駿思幽渺難賡句傑輒得訝穎芳硯

焚子詎甘瓶罄我當貰城共叶威鳳吟羞爲腐鼠嚇沈

高言撼雲霄逸氣破吾獲憲急點轉崢嶸繁英任狼藉

傳莫禁鶉鴝喚誰肯訓狐射堂長街畏衝泥緩縛雙不

借玉墀

江助 至自新安江立招集土橋寓舍飯後散步東

郊徧遊蓮居報國諸蘭若卽事

東風隔月欸荆扉才卸春衣又葛衣流水斷橋隨客興

齋魚茶板逗詩機僧如乳燕晴還蟄人似遊蜂暖更飛

多謝高城遠相送參差樓堞夕陰微

湖莊送江助還廣陵再用前韻

明湖十里豁郊扉淨浣塵勞短後衣行也尙賒吳苑夢
前在吳門有訪歸歟且息漢陰機暖風遲日琴同臥往渚還汀
鶴共飛預向家人先送喜燈花紅綻玉蟲微

題余林縣昂霄雙松圖

黃海兩穉松培養歷年載根株既堅牢枝葉遂蔓藹友
風而子雨離立供晚對所嗟干霄姿踟躕盆盎內余翁
一行人不欺其大概吳回震其鄰天爲反風再擬翁所
積累高厚過嵩岱日與蒼髯叟渾悶閱人代化鶴翁不
歸與叟遠分北賢子書賢能才地壓流輩牽絲隆慮山
懸魚見清裁優愾遯見聞何物親所愛寫圖申孝思手
澤儼然在維桑必敬止况寓風木慨抑吾更有規爲貧
仕非昧陟屺瞻望勞尸饗我心瘁北堂喜健飯色養祿
能逮請營第二圖葭草樹堂背

莆田鄭蘭州

王臣

以弟憂乞歸道過江干停舟過

訪不相見者三十年矣情話移時老懷歡暢輒成
四絕卽題其歸來草後

東京風俗由來厚每爲期功便去官陳實譙元吾目汝

尊鱸人錯比張翰

陳寔以期喪譙元以弟憂皆見本傳

萬里瓜沙屏翰開兼資文武借奇才如何五郡河西重
竟聽金城太守回

玉關西去接羗雲自昔涼州割據紛獨有臯蘭山下路
彩毫煩寫漢時勲

東臯舒嘯復西疇人較柴桑更遠遊七錄異時標別集
竟應題作鄭蘭州

飲春草園桂樹下次陳太僕

涼堂倚杖午風微青桂連蜷所見稀把酒異香飄客坐
散花金粟點生衣波明浴鳥長雙下日煖游蜂愛獨飛
只我小山來往熟不妨頻款竹間扉

題姚

思勤

石湖泛月圖

道古堂詩集卷五

送老集

七

朝遊支硎山夜泛石湖水石湖靜不波極望何渺瀰靈
風忽相招夷猶一櫂弭秋中月輪肥流汞見湖底徽徽
照幽襟詩骨瘦無比蒹葭青濛濛織路不知里擊汰呼
馮夷攬臂期若士朗吟招隱詩宿鷺爲驚起清氣沁心
脾清華入骨髓噫吁人世福都被君占矣披圖興飛越
涼夢先落此後期倘相邀亟喚小牒子

哭汪

舸

白頭排歲哭人忙七十衰翁轉自傷瞥眼四秋違舊好
驚心九日喪汪芒題襟秀句追柯古攀柳流年在漢陽

磨鏡欲持芻一束滿江風雪畏褰裳
輕裝遠適意如何垂老光陰抹電過
九派怒濤流漢急
十巫妖夢到荆多病魔長技纏衰骨
山鬼新謠出女蘿
此日登高悲宋玉招魂何處寄哀歌

道古堂詩集卷二十六

仁和 杭世駿 大宗

送老集下

寄索吳處士

穎芳

太平御覽并簡汪比部

憲

太平御覽一千卷卷篇題悉完善義取令狐乙夜陳
名齊祖珽脩文殿從來副墨嗟灰泯只倚江南活字本
焉烏亥豕間有之州次部居原不混處士七十矇不昏
一蝨瞪視成車輪拾椽行吟貧愈樂研硃點易老更勤
風流比部富文史辟蠹每用芸香薰欲踵李昉訂譌闕
爲君洗硯開華軒廣求善本向我借此書韻事姑一論

道古堂詩集卷二十六

送老集

一

昔年葛文康獲交尙公輔一甌還書古有例無酒仍將
酒券補我不能飲君所知以甌不妨改作癡無須於借
分爾我只合於還判速遲鄭祊未嘗易魯隱龜陰至竟
屬齊景臨文獺祭少書檢縱倚才鋒不得騁空虛無據
文不從如鼓隴胡魚骨甌空卷恒嗟白戰難耄學潛傷
孤燭炳問君久假胡不歸勞我崇朝屢引頸

向披初學集狂詆

本朝輒焉髮指新奉

諭旨錢謙益詩文概行焚毀不勝歡躍敬紀一律

動言金虎與宮鄰妝點三朝侍從臣浪子豈堪爲宰相

宋人呼李邦彥爲浪子宰相王紹
徽東林點將錄以浪子燕青目錢黨魁間亦廁僉人

元祐

黨籍有章惇曾布黨東林者
容有小人勝國人已在此語
詵妻在彼詈何害桀犬逢
堯吠有因竊祿

聖朝仍肆詆斲棺邀免荷

深仁

題陳明府 我與我周旋圖

至人獨立而不懼世態紛紜競攀附傍人門戶求繫援
捷足公然矜得路巧令足恭何蟲豸左邱明耻某亦耻
少無高識老更忙媛媛姝姝直到死陳侯門第擅高華
詩才燦爛如朝霞約身規矩雖斂退酒後肝肺長槎枒
畫中有畫何紛拏以畫即畫仍不差與我周旋寧作我

道古堂詩集卷三十一 送老集

二

我用我法誰訾耶晉賢作達語最夥此語吾嘗心賞頗
置身千載希古直此志蹉跎竟不果老氏大患在有身
絕四宣尼又無我芻蕘爲君進一解我相不存更帖妥

人日集汪徵君小眠齋送吳六秀才 玉堦北土

王路無浪轍春遊多俊人柔波初解凍芳條欲抽新小
雪吹霏霏淨洗廣陌塵我友夙當駕揖別平生親梅花
如心朋離立寒溪濱含香尙未越蓄意何由伸折寄待
改歲餞飲當斯辰人日古所重賦詩非無因春華努力
愛利用觀國寶細旃求民莫看子琅玕陳

同作

汪 沆

獻歲謝塵累畏寒嬾不出靈辰自古重追懽詎可失
高春來故人情話一尊密延陵有才子干霄奮彩筆
忽作紫陌遊半酣醜縷述男兒志功名安用守一室
壯哉鯤鵬徙行矣驂騑叱我生困行役垂老抱殘帙
願君宏遠謨華紱副名實置身親切地經術飾治術
酒旗二首

瞥眼青帘入望中麴香吹過廿番風一竿斜飈荒村尾
盡日閒挑野店東節冷偶霑微雨濕天晴長借夕陽烘
停鞭指處心先醉不用沿途問牧童

道古堂詩集卷三十六

送老集

三

遇涎流處猛擡頭當壚春早晴先挂臥甕人多夜忘收
淡墨一行君莫問雙旌新署醉鄉侯

周學士

景柱

以年至乞歸出守蒲州時湖舫紀勝

卷索題感舊抒情書一詩送之

壯歲相逢如舊識土炕油燈同續食文場戰藝我籠東
丹地論思君夜直承明久厭試爲吏南澳蒞蒞官牛刺
製文送子蒞蠻鄉努力相期襄

聖治宦程歷歷典方州三晉名區次第遊中條山色忽
掛眼中敷政推君優世重宣威五色棒水利從來都
不講城西有湖名五姓豪右規陂翳明鏡力排衆議還

舊觀一碧天光常倒映從此應名刺史湖灌田萬頃成
膏腴金塘傲傲舞楊柳銀濤拍拍飛鷗鳧募工巧學歐
家樣照水油窗造齋舫銀罍翠管載兩頭擊汰中流發
高唱半入湖心半入雲世間凡語徒紛紛清聲已約嬌
鳥和流響更遣潛鱗聞催取金波照瑤席水沃田肥詩
獨瘠使君心跡果雙清湖水年年流厚澤政成上考報
天子一歲三遷或以此還君華省舊巢痕仍入綸扉參
庶揆乞身歸臥人爭羨將向桐江理釣線雲泥卅載判
升沉豈意江干重見面披圖省識定交年勉竭愚誠賦
一篇前塵若憶王官谷來喚西湖六柱船

道古堂詩集卷三

送老集

四

瓶花齋牡丹今年特盛復同主人步過雲根園看

花竟日

雨後思看穀雨花東風特爲淨塵沙已逢國色酣春色
便向姚家過魏家蜂蝶互投香不斷屏幃低護彩交加
殘年到處邀歡賞歸對山妻取次誇

湘江歸櫂圖四首爲黃易作

脩簫自昔元無譜寫韻何曾別有軒八扇油窗一帆月

江天如畫笑言溫

二孤眉黛綺窗浮彩筆張郎著意偷一種仙姿費評泊

大姑顰態小姑愁

散花灘外曉冥濛家住春塘半道紅青粉墻高簾幙靜
楊花飛過不因風

皇姑臥月擅芬芳繼美梅花字字香若向阼階論著代
寓林先闢說詩堂

海螭追和亡友汪明經惟憲韻應陳寅請

海濱負殼本微蟲瑣碎爬羅不滿籠口爲結箝長自閉
尾因呼吸漸能通椒鹽味遠朝餐外燈火聲囂晚市中
節物最宜櫻笋配酒邊嗜好略相同

閏月初伏喜江立自韓江至集奚氏翠玲瓏館適

有以宋槧李雁湖王荆公詩注殘本求售卽效王

道古堂詩集卷二十六 送老集

五

體用其集中贈彭器資韻

幽窗愛讀水經注枝壑層峯性夙慕伏臨初日大火流
毒熱先愁無避處奚家老屋剛三間賭碁廿載曾往還
客逢舊雨有酒肉書獲異本生波瀾青霄野竹恣搖曳
日脚不到風所寰君仍欲別我轉戀何以贈處真兩難
翌日復集用王集同杜使君飲城南韻

酒人愛羣飲絺衣來聯翩中庭滋蕙露短榻分茶烟過
雨雲解駁白日當空縣濃綠借隣樹檐罅不見天戶小
不勝飲奈此藥玉船跛脚北窗臥焉能強周旋脩篁解
依人翠影矜便媚禮叨先一飯食坐且盡前

六月朔鮑

廷博

載酒過翠玲瓏館用王集到郡與

同官會飲韻

雨氣冥濛滿城郭虹影參差掛樓閣羈人枕簟喜粗安
狂客觥籌猶橫索或捉臥甕酌言嘗旋舉匏尊願言醉
此中自有埋照人較似竹林無此樂

立秋後一日汪徵君載酒過翠玲瓏館奉餞江

立

用王集飲裴侯家韻

君來住在深竹中仰首不見金烏紅客邊一月筭清課
聯吟會飲歡難窮去家雖隔一千里性愛翻書長早起
清辭搖襞不肯已題在奚銅畫山水徵君許酌心旌縣

道古堂詩集卷二

送老集

六

自攜三百青銅錢清酒百壺詩一篇送君安穩歸江天
吾儕共處兩大裹一醉何須分彼此科頭散帶松石間
錄別暫偷一日閒酒酣更乞奚鋼筆寫贈南屏一嶮山

伏後一日重過翠玲瓏館送江

立

用王集飲裴家

韻同魏

之琇

留子旣不得送子將如何長河兩厓高尺水難與波月
杪桂窟閉照柂無姮娥江天嗟渺緬星宿空旁羅

邱嚴夫婦合昏詩二首次邑侯高明府元韻

并序

邑中小民嚴輝遠妻亡有女十餘歲鞠於外母徐媪
輝遠與吳興邱某善屢資其惠遂以女字其子天柱

逾年邱死家日落輝遠頓悔前盟謀以女鬻富室爲
妾往告徐媪媪不從輝遠結諸惡少欲篡取其女以
歸女恚甚抱母木主往投井媪守之不得入奔控縣
庭令爲歷城高模字彥範逮輝遠及女與婿至天柱衣

履單寒匍伏階下令爲好語試女曰邱郎貧甚恐無
以贍女盍從父命乎女叩首荅曰貧富命也身旣許
邱有安命而已去貧就富不特無以見立母於地下
萬姓耻罵亦無以見賢父母於公堂矣令壯其言大
喜曰吾特試若若勿憂吾爲女成之促令送太夫人
所太夫人爲具衣襦環珥令爲天柱製新衣咄嗟立

道古堂詩集卷三十一 送老集

七

辦卽公堂花燭成禮具酒肴備儀從送至壻家杭人
相聚從觀歡動一城輝遠當重懲釋弗問命往壻家
飲食不撻而饋以饋爲撻也所以媿勵之者微矣明
日天柱夫婦詣公庭謝復賜飲食予白金五十兩以
資生計令復賦詩二章屬而和者不可勝數北郭何
琪紀其事以示鄙人鄙人嘗學乎舊史氏矣嘗論之
匪獨其女貞也媪亦賢明婦人哉不爲利回不爲威
脅植人倫扶王化斷然行之而不疑意其七八年中
所以範女者必嚴教女者必正優游

聖化之中爲貞松勁栢貫四時而不與衆草偕靡闕

而勿論琪之踈也令知一邑之事夫婦失所是其責
故可使夫婦易所乎樹一端以警衆下之從上若草
之從風政之本得矣吾邑志之不脩蓋七八十年於
茲令斯邑者若傳舍問其姓名有不知者况一二善
政可紀乎康熙辛丑壬寅之間有王四攻木之工也
聘於馬仁邑刑房書役也納吉以後歲時俗有追節
之例四勉力行之鄰里所悉知也大螺螄山有蔣姓
者考滿得選典史欲買妾之任馬氏利其財遂以女
歸蔣爲妾或以告四婚後三日宴戚友四混廚人得
入親見其妻徧拜客爲僕妾而不媿四憤甚號於縣
令爲芮復傳治錢塘頗有賢聲郡守蓬萊張爲政墨
吏也受蔣賕而以屬芮庭訊時匿其媒勿使出四坐
誣受杖於庭荷校一月始釋里之人莫不知其寃而
女卒歸蔣人心壞而廉耻喪莫此爲甚有心世道者
莫能匡也余因邱嚴事而牽連書之高令之賢真可
以當畏壘之尸祝後有脩志者錄而存之而邑令之
賢否可以參觀而得矣

韶男穉女好姻婚父在應須往送門豈料金夫施狡術
幾從露井弔貞魂芳心庭訊同堅石勁節天雷奠厚坤
爲有湘東三管在題詩擬就玉臺論

歡逢邑宰是天人力挽頽綱性愛民窮巷向曾推衆母
深閨今始識嚴親鳩媒身任春添韻鴛牒重翻筆有神
更感婚錢出清俸阮脩從此不長貧

八月二十六日姚秀才

思勤

招集鶴巢周覽園亭

之勝率賦二律

小築依城迴佳尋得地寬入門花照眼浴欄鶴梳翰飛
翠沾衣袂清陰罩石壇杖藜隨步遠幸不到秋殘

石磴疎寮接登樓碧漢迢竹深無俗響岫近露清標雲
洞安琴薦山楹挂酒瓢衰年耽野興涼夢落今宵

九日集半翁居喜趙二邑丞

煒

自越中適至遂同

道古堂詩集卷三

送老集

九

遊報國禪院以佳辰愛重九五字爲韻余得九字

高閭竊重陰佳辰恐相負黃花破愁顏向我開笑口分
期風雨侵寂寞坐相守龔兄居城隅招共剪寒韭何圖
鏡湖人竹戶此焉叩別去三十年契濶欣執手入坐不
肯閒杖短笠伊糾相攜上河橋延佇一搔首城頭方散
烏池上未髡柳尋僧徑窮深開梵日盡西佛屋無凡蹊
草堂有醇醲衰年惜景光不肯與俗偶集此世外朋著
意作去重九半翁髮半皤而我衰已久遣興莫過詩得
名全是酒趙二吾故人汪五况石友相於制頽齡爲君

盡一斗

吳城餉越中毛芋

越中嘉種數蹲鴟，荷子傾筐肯見貽。
想見園收同錦里，忽欣擔負到茅茨。
滑過北產羊酥膩，白賽南烹玉糝奇。
飽食向陽頻鼓腹，野人風味最相宜。

翟教授

灑 過出鄙製觀

胸中無活雲，日恐就枯槁。
孤吟韻不安，輾轉屢削藁。
逃虛望足音，茫然過翟灑。
灑也天骨迥，才高衆所媚。
不以道途賒，意在慰我老。
我老豈足念，所患不聞道。
衆製如紛麻，煩子細搜討。
七子高建安，奇才萃天寶。
孰正孰怪，奇孰朴孰麗。
藻茫茫，問真宰，戛戛想獨造。
試於騷壇中，商略樹一纛。
吾衰百無成，雖壽何異天。
中心恒養養，怒焉默自擣。
隨時翫景光，且莫恐不保。
已白庭際梅，未綠階下草。
求友有鳴禽，翩翩舞晴昊。
將子復能來，酌酒恣顛倒。

堇浦丈見示定藁並惠新篇用韻奉荅

翟灑

郊居便嬾拙，閉關久却掃。
得者水竹清，失者友朋好。
時物動顛然，觸念頗懍懍。
出門求所欽，不憚迢遞道。
多君慰離索，出示牀頭藁。
哀然編旣成，可卽付梨棗。
請之掉頭言，聊用娛衰老。
遽以問世人，愛憎且莫保。

嗚呼文教衰狂瀾日傾倒人人具雙瞳幾辨白與阜
凡瞽互標榜卓技羣嫉媚脅脅逐聲聞惜惜烘頭腦
彼人知不知何足掛襟抱粵我長安遊獲登龍門早
徵歌聯長牀沽酒典敝襖往往燭見跋文圃戀談討
輾轉迹西東晷忽序寒燠君齒旣已尊我首亦已皓
我學根柢淺譬猶石面草音乖七條弦辭綴百家縑
未能張一軍應致君生惱然猶聆緒餘識君所銘造
不徒文條攀直向理窟搗詩書氣蔚華鬱成五色縑
翩然威鳳翔風骨負豐藻所以一篇出傳秘等鴻寶
林下三十年海內千尺燾長風一揮披坐見拉秋稿

何恤坎底蛙聒聒沸夏潦蕭齊此日閒晴曦漏窗杲
亭亭梅花枝倚檐弄新縞會合得斯須天遣君與灑
英靈河嶽間不致付悼悵請從校字儔精闕共研考

宋永

招同顧太守

光

姚秀才

思勤

汎舟五里塘

支河遶郭路非遐五里泐洄細漿划疊嶂漸青雲自白
小桃未綻菜先花頽陽破寺春塵暗野水荒陂短釣斜
不見布帘挑柳外傾壺仍苦酒難賒

三月三日項孝廉

豐

招集萊園脩禊

莫春日踰已理策來東臯名園迴在望極目青雲高童
子歡接杖長廊繞周遭金塘已舒柳露井方開桃呀然

一畝宮麗景茲焉韜茂林帶平岡况有千篋笏袂襖就
玉欄滿飲挫新糟意行遵微行斯詠兼斯陶織援不計
里繡野盡地毛僧伽事疏材放梵仍作勞瞿瞿戒無荒
游食嗟我曹烟中出疎磬韻與微吟塵

同年趙學正

殿昇 挽詩

頭銜國子喜新除皓首驚看八十餘草木養年身更健
林泉樂志願非虛公車作奏三千牘論語傳家半部書
羨汝有兒能似續春風依舊滿門閭

項 塲 招集沈道士房

幽尋羽人宮炎景轉陰黜紫芝循瑤階青桐蔽虛牖山

道古堂詩集卷十六 送老集

十三

雨來尙慳涼風獲消受相偕幾朋彥尙覲兩胡耆

謂吳穎芳

姚世龍

琳函我未窺良會今豈有清言叩元牝猛氣解俗
狂要以苦硬詩歛志洗塵垢浩浩抒靈襟如抉風穴口

解入郵艱劬勞以仙姥酒惜哉無彌明弱響祇辱守

荅汪秀才

吳泰

揮扇河橋遠來尋媚學人題詩滿虛壁覓酒過南鄰風
月空相引笑談何處親晚來憐杜叟幽獨恐傷神

逝矣時經久翩然往復回迴塵無宿雨殷地有輕雷把
盞窮經庫刊碑繼石臺白頭吟伴少羨爾不羈才

時以校正

張參五經
文字相質

七夕汪徵君招集落花老屋用白香山早秋晚望
兼呈韋侍御韻

高齋有清課曠士多遠思招邀合朋歡鄭重闢詩地蕉
影既便飈棕鞋復輕利人挾詩偕來風與涼俱至名理
愜素懷元談佐幽寄澹泊寡俗營其樂乃不翅分持一
寸管共此千秋事落度不望傳辛苦豈謀醉

同里楊秀才

楷南

與余同受知大理汪公哀然爲

諸生首選歷遊大幕歸而病不及相見而死其子
來乞詩作此挽之

采芹曾共及芳辰五十回頭又四春彈指每嗟人代速

道古堂詩集卷二十六 送老集

三

驚心頻制淚痕新才長老作諸侯客道廣猶傷孺子貧
後死欲傳身後事翻憐我亦幻中身

姚比部

遠翻

招遊靈隱三首

華嚴閣晚眺

傑閣倚天半招攜同躋攀靜釋域中戀飽看門外山衆
綠堆蒼蔚楓柏插其間微霜爲渲染著色黃朱斑妙趣
非獨領偉觀不衆慳頗疑錦屏列巧與高閣環萬象歛
冥色一鳥投空閒清梵警夜課華鯨催客還踴踏喜前
猛窘步嗟來艱俄延林月黑岫幌仍不關

會宿松靄山房觀竹垞檢討六詠卷

放梵景易道游行日將夕津梁同佛疲衣衲愛僧瘠導
入青豆房曲盞不嫌窄詩題贊公仍茶事謙老亦桑黻
三宿戀牀向四大借流觀五言詩潛采如接席揀枝鳥
先棲穿砌蟲尙惜龕燈翳復吐鄰磬遠難跡曙色工遷
延未肯射窗隙沉沉夜氣澄清夢幾回易

妙應閣觀貝葉經是宋咸平年寫者有亡友丁

處士敬長歌

佛樹有貝多名自西域震蔭廣幾由句龍藏可考信寫
經采其葉較紙更堅韌梵字尙左旋糾繞勢取迅六十
四種書旁行苦難認畱貽始咸平劫火幸不燼我友不
施檀才美去驕吝以詩爲佛事圓機合密印我不解佛
法亦不識筆陣惟應洗淨眼勇猛礪智刃

哭溫明經廷鈞

振古才難得天何不子年文場纔幾日玉貌忽重泉命
豈庸醫促詩憑好友傳吾衰秋淚闕爲子一潸然

仲冬旬有二日集近雲山舍

幽人愛山棲小築遠塵坳禽魚樂飛潛花藥妙羅牆山
光窺檐楹蒼秀不肯隱屨屐相招要道不遺做縑遺文
理縱橫俗禮謝曲謹冬晴轉暄妍節喜長至近烹鮮更
焚枯破凍開臘醞不蘄潤詩腸且辦解渴吻

良山野望同何琪倪一擊黃謨吳錫麒麟姚思勤黃

基作

霜根絡平疇宿草棲隴首邇郭無故蹊臨河有苑柳駢
肩歷荒垌跼步陟高阜斷碑澀蘚交野廟社公守沍陰
羣動蟄遐覽萬象剖噉雁求曹哀危葉辭柯隄清遊豈
難續漫興亦云偶夷途識歸樵延佇遂淹久

潘阜陽

世仁

惠贈何學士讀書記侑以湖綿輒成

二律奉報

闕覽吳中推季札耄勤漢世數袁遺史因歐謬糾難恕
漢以劉刊誤可思籍產愈增三館重贈官深荷

道古堂詩集卷三十六

送老集

五

九重知尙嫌善本搜難盡

文選水經注尙未刊

誰解春明借一甌

裘毛落盡鄴空存擁絮貪眠嬾出門久分柔鄉辭煖玉
驟歡衰骨得奇溫茅檐挾處寒銷粟敝繭裝完瘴減痕
從此南榮稀曝背不須叩首望朝暾

題奚

元璿

歲寒圖

莽蒼大野中側立千仞壁青松託根牢倒掛不計尺橫
飛六出花飄灑恣狼籍天工巧包荒萬有同一白朔氣
方嚴凝乃有獨往客複綯不遮寒柳栗且徐策霽色望
不窮輕冰踏仍坼旋看凋林穿復此凍澗鷲落落鴻爪
畱荒荒樵徑隔想其汗漫遊眼隘塵宇窄清氣沁詩脾

九竅一漱滌山靈請磨崖削句定寒瘡

積雨新霽飲雲根園梅花下

春寒思命酒有約亟宜稟癡龍挾頑雲急點夜春枕洗
句無纖塵澆梅有餘瀋凌晨冷艷烘暹旭破淒凜巡檐
倚微吟得樹且羣飲格瘦非俗妍以花定詩品

浴佛日雨後集祇園菴

夜添花雨水平塘同過城東選佛塲老向空王求解脫
靜諳閒味得清涼僧勤洗鉢袈裟濕客愛巡簷拄杖長
冷熱二龍憑取水要看螺髻露圓光

輕風惻惻颺春衣路織疎籬靜掩扉沿岸草肥蛙易鬧

道古堂詩集卷二十六 送老集

十六

過墻竹密烏慵飛佛離諸垢何勞浴人到精藍不擬歸
結習懺除慙未盡尋詩長傍釣魚磯

送何琪入閩兼柬錢方伯琦

冒暑辭家亦等閒閩行無數好溪山建安竹筴仙遊筆
寫寄新詩莫漫刪

仙霞關外盤盤路半壁杉篁翠插天四十一年曾一到

竹兜藜杖勝登仙

錢起驚才乳虎虒麾幢待子慮前茅人言杜甫依嚴武
我慶韓公得孟郊

道古堂詩集卷二十六

男賓仁校字

